



3. Radunanza cumünela dals 26.6.2019 a las 20.00 in sela polivalenta S-chanf

Presidi: Gian Fadri Largiadèr

Actuar: Gian Luca Vitalini

Preschaints: Preschaints sun 62 votantas e votants

Büro electorel: Robert Angelini e Lilian Godly

Tractandas:

1. Protocol da la radunanza cumünela dals 17 avrigl 2019
2. Rendaquint 2018 – Rapport d'vart l'adattaziun dal bilauntsch
3. Contribuziun finanzia Freestyle MM – fr. 125'000.00
4. Contrat da servitut – traunter la vschinauncha burgaisa da S-chanf, la vschinauncha politica da S-chanf e sar Andrea Caratsch concernent dret da fabrica a cunfin e dret da fabrica suot terra parzella nr. 36 in Somvih
5. Iniziativa «Via da schlisuler Griatschouls»
6. Varia

La glista da tractandas vain approveda sainza objecziuns.

Protocol: A vain piglio cugnuschentscha da la radunanza cumünela dal protocol dals 17 avrigl 2019.

10 0.205 Rendaquint/planisaziun da finanzas Rendaquint 2018 – Rapport d'vart l'adattaziun dal bilauntsch

Quint curraint 2018

Il quint curraint serra cun ün avauz net da fr. 312'670.98 tar expensas da fr. 11.73 milliuns ed entredgias da fr. 12.04 milliuns. Previs d'eira ün deficit d'arduond fr. 140'040. Las amortisaziuns regularas s'amuntan sün fr. 1.632 milliuns. Per fr. 1.803 milliuns sun gnidas fattas amortisaziuns supplementeras.

Quint d'investiziun 2018

Tuot in tuot importan las expensas dal quint d'investiziuns fr. 3.935 milliuns. Las entredgias dal quint d'investiziun importan fr. 246'215, uschè cha la vschinauncha ho stuvieu finanzcher investiziuns nettas d'arduond 3.689 milliuns francs.

Proposta:

La suprastanza cumünela propuona a la radunanza cumünela, scu propost dal post da revisiun extern, d'approver il rendaint 2018, da scriber bun il guadagn da fr. 312'670.98 al conto dal chapitel egen e da der dis-charg als organs respunsabels ed a l'administraziun cun ils megliders ingrazchamaints per la lavur prastada. Impü piglia la radunanza cumünela cugnuschentscha dal rapport d'art l'adattaziun dal bilauntsch.

Reguard l'imprast da credit chi'd es gnieu decis illa radunanza cumünela dals 08 avrigl 2015 sur fr. 220'000.00 per la sanaziun da la chesa pravenda dumanda ün votant, scha l'imprast saja gnieu purto aint il register dal cudesch fundiari, scu decis da la radunanza cumünela ils 08 avrigl 2015. La vschinauncha S-chanf ho imprasto a la baselgia refurmeda S-chanf fr. 180'000.00. Il president antecessur cumünel spiega cha da quella vouta s'ho simplamaing manchato da purter aint que i'l cudesch fundiari sainza malizcha.

Reguard la dumanda da sustegn dal trenin da Varusch spiega il president, cha'l trenin vain sustgnieu dals cumüns Zuoz e S-chanf. S-chanf peja l'an 2019 fr. 15'000.00 e l'an 2020 es previs ün sustegn da fr. 10'000.00.

Decisiun:

La radunanza cumünela aderischa il rendaint 2018 cun fich granda magiuranza e sainza cuntravuschs. Impü piglia la radunanza cumünela cugnuschentscha dal rapport d'art l'adattaziun dal bilauntsch.

Reguard il plan d'investiziun infurmescha la suprastanza cumünela, scu giavüscho d'ün votant, periodicamaing sur ils rendaints dals progets glivros, impustüt sur «Schlargiamaint Somvih», «Reservuar Quedras», «Lingia d'ova Quedras» e «Lingia d'ova Zuoz – S-chanf».

11 3.400 Sport **Contribuziun finanziela Freestyle MM – fr. 125'000.00**

Ad es l'intent d'organiser da l'an 2025 (2027/2029) üna Freestyle MM in Engiadin'Ota. Ils cuosts per l'arrandschamaint s'amuntan sün fr. 12 miu. e dessan gnir surpiglios per ün terz da la confederaziun, chantun e da la regiun. Las investiziuns per l'infrastructura da fr. 6 miu. vegnan purtedas tres las pendiculeras e las vschinaunchas dal lö. Il comité iniziativa dumanda per üna contribziun da las vschinaunchas da l'Engiadin'Ota per total fr. 4 miu. La vschinauncha da S-chanf ho da surpiglier ün'import da ca. fr. 125'000.00 (tenor clef da spartiziun region Malögia). Engadin St.Moritz Tourismus sustegna la candidatura.

Proposta:

La suprastanza cumünela propuona a la radunanza cumünela d'approver la contribuziun finanziela Freestyle MM da la vschinauncha da S-chanf da fr. 125'000.00 cun la resalva, cha la confederaziun e'l chantun as partizipeschan minchün cun fr. 4 miu. e tuot las vschinaunchas da la regiun as partizipeschan tenor la clef da spartiziun per ils cuosts per l'arrandschamaint da total fr. 12 miu.

Decisiun:

La radunanza cumünela aderischa la contribuziun finanziaria d'üna Freestyle MM sur fr. 125'000.00 cun fich granda magiuranza e sainza cuntravuschs.

12 0.209 Contrats e cunvegnas

Contrat da servitut – traunter la vschinauncha burgaisa da S-chanf, la vschinauncha politica da S-chanf e sar Andrea Caratsch concernent dret da fabrica a cunfin e dret da fabrica suot terra parcella nr. 36 in Somvih

La radunanza cumünela dals 28 gën 2017 ho refüso üna vendita da terrain per la parcella parziela nr. 36 a Somvih cull' argumentaziun dal mantegniment dal passagi tradiziunel chi vain ütiliso fich bger. Il proprietari da las parcelas nr. 32 e nr. 33 ho surlavuro sieu proget da fabrica d'üna garascha suotterrauna e suottametta a la vschinauncha da S-chanf ün contrat da servitut correspondent. Tres la proposta da sar Andrea Caratsch es garantieu, cha'l passagi descrit e la lingia da l'ova persa da la parcella nr. 796 (Sur Chesas) vegnan mantgnidas. Per la concessiun dal contrat da servitut indemnisescha sar Andrea Caratsch a la vschinauncha da S-chanf üna vouta cun fr. 2'000.00.

Proposta:

La suprastanza cumünela propuona la radunanza cumünela d'aderir al contrat da servitut traunter la vschinauncha burgaisa da S-chanf, la vschinauncha politica da S-chanf e sar Andrea Caratsch in connex cul dret da fabrica a cunfin ed il dret da fabrica da surfabricher suotterraun sülla parcella nr. 36 a Somvih.

Decisiun:

Zeiva cuorta discussiun e diversas dumandas our dal ravuogl aderischa la radunanza cumünela il contrat da servitut traunter la vschinauncha burgaisa da S-chanf, la vschinauncha politica da S-chanf e sar Andrea Caratsch in connex cul dret da fabrica a cunfin ed il dret da fabrica da surfabricher suotterraun sülla parcella nr. 36 a Somvih cun diversas cuntravuschs.

13 8.300 Turissem e cura

Iniziativa «Via da schlisuler Griatschouls»

Illa tschanteda dals 05 december 2018 ho la suprastanza cumünela tratto quist tema a fuonz e refüso quista dumanda poch fundeda dal petent our da seguaints motivs principels: frequentaziun – cuosts – ütilisaziun nu staun in üna relaziun equilibrio (fin co ho la vschinauncha da S-chanf investieu in media annuelmaing fr. 3'250.00 per la preparaziun da la via), la respunsabilitèd nun es reglada, frequenza d'üna zona da quietezza cun ün spazi da viver da diversas bes-chas da sulvaschina e spezchas d'utschels (traunter oter il spazi da viver ferm periclito dal urogl) cun vehiculs a motor. Ils 10 schner 2019 haun inoltro 106 personas üna "iniziativa" cun la seguainta formulaziun:

„La Via da Griatschouls dess gnir preparada scu pista eir in avegnir per ir culla schlitta ed ir a spass düraunt l'invern. Eir dess gnir pussibilito da trer sü las schlittas cul "Quad" (töf da 4 roudas) fin tal'alp. Impü dess eir rester la pussibilitèd da gestir üna pitschna ustaria sün alp scu fin cò. La vschinauncha da S-chanf dess pajer vi da quista spüerta ca. 6'000.-- frs. l'an (2017).“

Zieva üna nouv'evaluaziun da la situaziun illa tschanteda dal 10 avrigl 2019 ho la suprastanza cumünela confermo sia decisiun dals 05 december 2018.

Per ün'eventuela realisaziun d'üna via da schlisuler in ün lö alternativ es la suprastanza cumünela missa aint positiva.

Proposta:

La suprastanza cumünela propuona da refüser l'iniziativa.

Decisiun:

La radunanza cumünela decida unanimamaing d'accepter l'iniziativa «Via da schlisuler Griatschouls».

Ün votant pretenda cha la via da schlisuler dess darcho gnir realiseda sül invern 2019/2020.

14 9.999 Varia

Il president spiega auncha sur dals differentes progets da fabrica chi vegnan glivros düraunt la sted/utuon 2019.

Il president renda attent sülla festa a Susauna ils 24 avuost 2019 in conex cun las portas aviertas da la nouva halla da deposit da la resgia, la resgia per laina arduonda, l'ospiz Chapella, la centrela passiva da la rait da fibra e la baselgia a Susauna. La festa vain organisada da la vschinauncha insembel cun la giuventüna da Cinuos-chel. Impü varro l'Energia S-chanf ün stand a la festa.

Impü renda il president attent sün las diversas activiteds düraunt la sted. Ils 19 lügl 2019 ho lö il marchio a S-chanf. Ils 01. avuost es darcho il brunch sü Griatschouls e la saira il brasser insembel culla giuventüna da Cinuos-chel. Ils 14 avuost 2019 ho lö las 18.30 ün concert sül bain Salvuns cun brasser. Ils 15 avuost ho lö ün concert da la duonna Christine Hedinger illa baselgia a Cinuos-chel.

Il president spiega sur da las lavuors da la senda «Pass Chaschauna» chi cumanzaron mited lügl. Impü infurmescha el sur da la nouva punt cha la gruppa da lavur ho fabrico a Scrigns.

Our dal ravuogl da la radunanza nu vegn giavüscho il pled.

Il president serra la radunanza a las 21.15 ed ingrazcha a tuot ils preschaints per lur cumparsa.

Il president da l'Energia S-chanf Curdin Barblan infurmescha cun üna preschantaziun sur da las activiteds da l'Energia S-chanf.

In buna fè

Il president:

L'actuar:

G. Largiadèr

G. L. Vitalini